


百家批註
足本大字

綱鑑易知錄



第四冊

上海廣益書局刊行



第四期

上海商務印書館發行

百寶珠
網鑑易知錄

百寶珠
網鑑易知錄

綱鑑易知錄 卷四

通鑑綱目定本

南北朝(三)

齊紀附北魏一

高宗明帝

乙亥。齊建武二年。魏太和十九年。春二月。魏主攻鍾離。今江南鳳陽府臨淮縣。不克。遣使臨江數聲。齊主之罪

而還。魯國敵國相數以罪多矣。不書。於是特書。惡魯也。前書伐。此書罪。綱目之誅亂賊嚴矣。**夏**四月。魏主如魯城。祠孔子。封其後為崇

聖侯。**回**魏主如魯城。今山東兗州府曲阜縣。親祠孔子。拜孔氏四人。顏氏二人官。仍選諸孔宗

子一人。封崇聖侯。奉孔子祀。命修其墓。建碑銘。**回**遂昌尹氏曰。魏主於是乎可謂知所尊尚矣。聖人與天地合德。時有升降。道無汙隆。豈必

有求於人主哉。人主尊師重道。所以表示天下。使皆知所師法。此固風化之本。是時異端方熾。時君惟知篤意浮屠。崇尚黃老。而魏孝文乃獨知有吾道。是烏可以拓跋氏待之。書如管祠孔子。封其後為崇聖侯。魏主於是乎可謂知所尊尚者矣。

五月。魏主至洛陽。**回**六月。魏禁胡語。求遺書。法度量。魯國胡服胡語。魏故俗也。文帝一變。魏於是彬彬矣。求遺書。自漢成

遣使臨江數齊罪

魏孝文如魯城祠孔子封其後為崇聖侯

魏孝文求
讀書

魏孝文好
習樂善

此乃有識
之言

河平三年一書之。至是五百餘年。然後復見。書嘉之也。南齊漢成。見卷二。

秋八月。魏立國子太學四門小學。**魏**以薛聰為

直閣始將軍。**魏**主好讀書。手不釋卷。又善屬祝文。詔策皆自為之。好賢樂善。

情如飢渴。所與游接。常寄以布素之意。如李冲李彪高閭王肅之徒。皆以文雅

見親。貴顯用事。制禮作樂。蔚畏然可觀。有太平之風焉。治書侍御史薛聰。彈劾

不避疆禦。暴虐之臣。魏主欲寬貸。聰輒爭之。魏主每日。朕見聰。不能不憚。況諸人乎。

自是貴戚斂手。累遷直閣將軍。魏主外以德器遇之。內以心膂為寄。親衛禁兵。

委聰管領。時政得失。動輒匡諫。而厚重沈密。外莫窺其際。每欲進以名位。輒苦

讓不受。魏主亦雅相體悉。謂之曰。卿天爵自高。固非人爵之所能榮也。**魏**九月。

魏六宮文武遷於洛陽。**冬**十二月。魏班品令。賜冠服。**魏**主見羣臣於光極

堂。宣下品令。光祿勳于烈子登。引例求遷官。烈表曰。聖明之朝。理應廉讓。而登

引例求進。是臣素無教訓。乞行黜落。魏主曰。此乃有識之言。不謂烈能辨此。乃

引見登。謂曰。以卿父有謙遜之美。直士之風。進卿校尉。魏主謂羣臣曰。國家從

來有一事可歎。臣下莫肯公言得失是也。夫人君患不能納諫。人臣患不能盡

太和五銖
錢
拓跋氏改
姓元氏

四姓衣冠
所推
代人八姓

三卿執者
四科

魏詔羣臣
聽終三年
喪

忠。自今朕舉一人。如有不可。卿等直言其失。若有才能。而朕所不識。卿等亦當舉之。得人有賞。不言有罪。**魏**行太和五銖錢。錄二十四。分兩之一。

丙子。齊建武三年。魏太和二十年。春正月。魏改姓元氏。初定族姓。**魏**主下詔以爲北人謂土

爲拓。后爲跋。魏之先出於黃帝。以土德王。故爲拓跋氏。夫土者黃中之色。萬物

之元也。宜改姓元氏。魏主雅重門族。以范陽今直隸順天府涿州盧敏。清河今山東東昌州恩縣崔宗伯。

榮陽今河南開封府滎陽縣鄭羲。太原今山西太原府王瓊。四姓衣冠所推。咸納其女。以充後宮。又詔以

代今山西大同府魏之舊都也人穆陸賀劉樓于稽尉八姓。勳著當世。位盡王公。勿充猥委官。一

同四姓。魏主與羣臣論選調。二字俱去聲李冲曰。今日何爲專取門品。不拔才能。傳說

呂望。豈可以門地得之。魏主曰。非常之人。曠世乃有一二耳。李彪曰。魯之三卿。

孰若四科。言三家世卿之貴。不若顏閔等布衣之賢。韓顯宗曰。陛下豈可以貴襲貴。以賤襲賤。魏主曰。必有

高明卓然。出類拔萃者。朕亦不拘此制。司馬溫公曰。選舉之法。先門地而後賢才。此魏晉之深弊。雖魏孝文之賢。而不能免斯弊也。故夫明辨是非。而

不惑於世俗者。誠鮮矣。**二月**。魏詔羣臣聽終三年喪。**三月**。齊詔去上乘輿金銀飾。也。觀顏炳

移在此器之言。則矯可知矣。**齊**主志慕節儉。故有是詔。太官掌御飲食元日上壽。元日日上酒稱壽。有銀酒鎗。

酒鎗移在此器

樽○三足。溫酒器。齊主欲壞之。王晏等咸稱盛德。衛尉蕭穎胄曰。朝廷盛禮。莫若三元。元日。歲之元。時元。月之元。此器舊物。不足為侈。齊主不悅。後遇曲宴私宴。銀器滿席。穎胄曰。陛下前欲壞酒鎗。恐宜移在此器。齊主甚慚。秋八月。魏太子恂有罪。廢為庶人。

恂不好學。體素肥大。苦河南地熱。常思北歸。魏主賜之衣冠。恂常私著胡服。見本卷上中庶子高道悅朔切諫。恂惡之。謀輕騎奔平城。魏舊都見卷三手刃道悅於禁中。魏主大駭。引見羣臣。議欲廢之。太傅穆亮太保李沖免冠謝。帝曰。大義滅親。古人所貴。恂欲違父逃叛。跨據恆即山西大同府朔州。天下之惡孰大焉。若不去之。乃社稷之憂也。乃廢恂為庶人。置於河陽今河南懷慶府孟縣。無鼻城。以兵守之。冬十月。

魏恂欲違父逃叛

魏除逋亡緣坐法

魏置常平倉。魏除逋亡緣坐法。初。魏主以有罪徙邊者多逋亡。乃制一人逋亡。闔門充役。今山東萊州府刺史崔挺諫曰。善人少。惡人多。若一人有罪。延及闔門。則司馬牛受桓魋之罰。柳下惠嬰加盜跖之誅。豈不哀哉。魏主從之。

丁丑齊建武四年魏太和二十一年春正月。魏立子恪為太子。○三月。魏主殺其故太子恂。恂既廢。頗自悔過。中尉李彪表恂復與左右謀逆。魏主賜恂死。

戊寅。齊永泰元年。魏太和二十二年。夏四月。齊大司馬王敬則反。會稽。至曲阿。敗死。敬則。高武舊將。當蕭鸞弑逆之時。不能討之。乃俯首事賊。既受其大司馬之命矣。又復舉兵。何哉。以反書之。敗死宜矣。

齊大司馬會稽。今浙江紹興府。太守王敬則。自以高武帝。

帝。舊將。心不自安。齊主外雖禮之。而內實相疑。聞其衰老。且居內地。故得少寬。

敬則世子仲雄善琴。齊主以蔡邕。見卷三。焦尾琴。吳人有燒桐以爨者。蔡邕聞火烈之聲。知其良木。因請而為琴。果有美音。而其尾焦。故名。借

之。仲雄作懊。魏懷懣。懣。俗間說。歌。俗間說。曰。常歎負情儂。農。吳語。我也。郎今果行許。又曰。君行不

淨心。那得惡人題。齊主愈猜愧。會疾病。乃以張瓌。規。為平東將軍。吳郡。今江南蘇州府。太

守。以防敬則。敬則聞之曰。東今有誰。只是欲平我耳。東亦何易可平。徐州。今江南徐州。

行事謝眺。敬則子婿也。敬則子幼隆遣人告之。眺執其使以聞。敬則遂舉兵反。

帥實甲萬人。過浙江。在浙江杭州府城東。張瓌遣人拒之。聞鼓聲。皆散走。瓌逃民間。五月。齊

主詔前軍司馬左輿盛將軍胡松等。築壘於曲阿。今江南鎮江府丹陽縣。長岡。敬則急攻之。松

引騎兵突其後。敬則軍大敗。斬之。謝眺以功遷吏部郎。三讓不許。中書疑眺官

未及讓。祭酒沈約曰。近世小官不讓。遂成恆俗。謝今所護。又別有意。夫讓出人

情。豈關官之大小邪。**秋**。七月。魏省宮掖。掖庭也。即宮旁舍。費用以給軍賞。齊特筆也。**齊**以

焦尾琴

懊懣歌

魏省宮賞
以給軍賞

齊為蕭衍
為雍州刺
史

禿鶯啼來

蕭衍為雍州治湖廣襄陽府刺史。齊主鸞殂。太子寶卷立。齊主初有疾。甚秘之。至是

殂。太子寶卷即位。惡靈在太極殿。欲速葬。尚書令徐孝嗣固爭。得踰月。每當

哭。輒云喉痛。太中大夫羊闡入臨。去聲。無髮。俯仰幘幘。白幘也。脫。寶卷輟哭大笑。

謂左右曰。禿鶯啼來乎。詩小雅。有鶯在梁。注。鶯禿鶯也。今闡入臨而面禿。故云。

東昏侯名寶卷。明帝太子。在位二年。弟寶融廢之。尋為王珍國所弑。壽十九歲。

己卯。齊主寶卷永元元年。魏太和二十三年。春正月。齊遣太尉陳顯達帥師侵魏。魏后馮氏有罪。退

處後宮。馮后私於宦官高菩薩。魏主收菩薩等。按問具伏。賜后辭訣。入居後宮。魏以彭城今江南徐州。王勰協。學文弟。為司徒。二月。

齊師取魏馬圈名。故城在河南南陽府南陽縣。南鄉。三月。魏主自將禦之。齊師敗績。夏。四月。

魏主宏殂于穀塘原。以嗣子屬司徒。又遺詔賜馮后死。后馮氏伏誅。太子恪立。是為世宗。宣武帝。秋。八月。齊

主殺其僕射江祐石侍中江祀。所以齊主失德。淺彰。議廢之而立江夏王寶玄。祀勸祐立始安王遙光。事覺。齊主收祀殺之。始安王遙光

起兵東城。右將軍蕭坦之討平之。蕭坦之始安王遙光。事覺。齊主收祀殺之。起兵。所以示為人主者之戒。書討。所以正為人臣者之分。閏月。齊主殺其僕射蕭坦之。領軍劉暄。冬。十月。齊主

殺其司空徐孝嗣。將軍沈文季。

綱庚辰。齊永元二年。魏世宗宣武帝恪景明元年。春正月。齊豫州治壽陽。今江南鳳陽府壽州。刺史裴叔業。以壽陽今江南鳳陽府壽州。叛降于

魏。魏遣司徒彭城王勰鎮之。夏四月。齊遣將軍崔慧景將兵討壽陽。慧景還

兵。奉江夏王寶玄逼建康。兵敗皆死。齊主遣平西將軍崔慧景將水軍討壽

陽。過廣陵。今江南揚州府。數十里。會諸軍士曰。吾荷三帝厚恩。當顧託之重。幼主昏狂。朝

廷壞亂。危而不扶。責在今日。欲與諸君共建大功。以安社稷。何如。衆皆響應。於

是還軍向廣陵。司馬崔恭祖納之。齊主遣左興盛督諸軍以討之。慧景濟江。遣

使奉江夏今湖廣武昌府。王寶玄爲主。寶玄斬其使。而密與相應。分部軍衆。隨慧景向建

康。齊都。今江南江甯府。攻竹里。見本卷上。拔之。萬副兒說慧景曰。今平路皆爲臺軍所斷。不可議

進。惟宜從蔣山。在江甯府府東北。龍尾。山名。在江甯府句容縣東南。上。出其不意耳。慧景從之。分遣千餘人。魚

貫緣山。自西巖夜下。鼓噪臨城。臺軍驚散。宮門閉。慧景引衆圍之。左興盛走

逃淮渚。慧景擒殺之。時豫州見本卷上。刺史蕭懿將兵在小峴。賢。上聲。○山名。在江南和州含山縣北。齊主遣

密使告之。懿方食。投箸而起。自采石山名。在江南太平府城北。濟江。慧景獨遣崔覺將數千人度

南岸。戰敗。慧景將腹心數人潛去。爲人所殺。寶玄逃亡。數日乃出。齊主殺之。初。

蕭懿投箸而起

萬副兒說
崔慧景

何點日談 佛義

趙鬼讀四 京賦

步步生蓮 花

慧景欲交處士何點。點不顧。及圍建康。逼召點。點往赴之。日談佛義。不及軍事。慧景敗。齊主欲殺點。蕭暢曰。點若不誘賊共講。未易可量。以此言之。乃應得封。齊主乃止。

齊主以蕭懿為尙書令。秋八月。齊後宮火。齊後宮火。時嬖倖之徒。皆號為鬼。有趙鬼者。能讀西京賦。東漢張衡所作。西京者。漢之西部。今陝西西安府也。言於齊主曰。柏梁既災。建章是營。見卷二。西京賦曰。柏梁既災。越巫陳方。建章是經。用厭火祥。歌音煙。入聲。○柏梁。警災。越巫勇之曰。越俗有火災。復起屋必以大用勝服之。於是作建章宮。祥災異也。齊主乃大起芳樂玉壽等諸殿。以窮塗壁。刻畫裝飾。窮極綺麗。後宮服御。極選珍奇。鑿金為蓮花以帖地。令平潘妃行其上。曰。此步步生蓮花也。嬖倖因緣為姦利。課一輸十。百姓困盡。號泣道路。

冬十月。齊主殺其尙書令蕭懿。初。齊主出入無度。或勸懿因其出門。舉兵廢之。懿不聽。嬖臣茹法珍等憚懿。說齊主曰。懿將行隆昌。齊王昭業年號。見本卷上。故事。齊主然之。長史徐曜甫知之。密具舟江渚。勸懿奔襄陽。見本卷上。懿曰。自古皆有死。豈有叛走尙書令邪。至是。齊主賜懿藥於省中。懿且死。曰。家弟蕭衍在雍。見本卷上。深為朝廷憂之。

十一月。齊雍州刺史蕭衍起兵襄陽。行荆州事。蕭穎胄亦以南康王寶融起兵江陵。蕭衍聞懿死。夜召張弘策等入。

宅定議。明日集僚佐。謂曰。昏主暴虐。當與卿等共除之。時南康今江西贛州府王寶融爲

荊州今湖廣荊州府刺史。長史蕭穎胄行府州事。齊主遣將軍劉山陽就穎胄兵襲襄陽。

見本卷上。衍知其謀。遣將軍王天虎詣江陵。今湖北江陵縣。徧與州府書。聲云山陽西上。并襲

荊雍。見本卷上。穎胄疑未決。山陽至巴陵。今湖廣岳州府巴陵縣。衍復令天虎齋書與穎胄。及其弟

穎達。山陽遲回不上。穎胄大懼。夜呼參軍席闡文等。閉齋定議。闡文曰。蕭雍州

蓄養士馬。非復一日。必不可制。就能制之。歲寒復不爲朝廷所容。今若殺山陽。

與雍州舉事。立天子以令諸侯。則霸業成矣。山陽旣不信。我今斬送天虎。則彼

疑可釋。至而圖之。罔不濟矣。穎達亦勸穎胄從闡文計。詰乞也。明日旦。穎胄謂天虎

曰。卿與劉輔國也。山陽相識。今不得不借卿頭。乃斬天虎送山陽。山陽大喜。單車

詣穎胄。伏兵斬之。乃以南康王寶融也。令篡嚴。篡集成以蕭衍都督前鋒。穎胄都

督行留諸軍事。穎胄送劉山陽首於蕭衍。衍遂表勸寶融稱尊號。不許。十二月。

穎胄及司馬夏侯詳移檄見本卷上。建康。州郡數上聲。齊主及梅蟲兒茹法珍罪

惡。夏侯詳之子亶爲殿中主帥。自建康亡歸。稱奉宣德太后。海陵王之母。廢居宣德宮。故稱。○海陵王。見卷三。

今不得不借卿頭

令南康王纂承皇祚。方俟清宮。未即大號。可封十郡為宣城。今江南甯國府王相國。荊州

牧。選百官。初陳顯達。高武舊將。永元元年三月。出為江州刺史。十二月舉兵襲建康。敗死。崔慧景。見本卷上。之亂。上庸。今湖廣鄖陽府竹山縣。○郎音云。

太守韋叡。叡曰。陳雖舊將。非命世才。崔頗更。耕事。懦而不武。其赤族宜矣。定天

下者。殆必在吾州將。指蕭乎。乃遣二子自結於蕭衍。及衍起兵。叡帥郡兵二千。

倍道赴之。馮道根居母喪。亦帥鄉人子弟來赴。

韋叡知梁武定天下

和帝 名寶融。明帝第八子。在位一年。蕭衍廢為巴陵王。尋弑之。壽十六歲而齊亡矣。

辛巳。齊和帝寶融中興元年。魏景明二年。春正月。齊南康王寶融稱相國。蕭衍發襄陽。見本卷上。二月。

齊蕭衍圍郢城。見卷三。三月。齊相國南康王寶融廢其君寶卷為涪陵。今四川重慶府涪陵。

王而自立。涪陵。因於是寶融自立於江陵。遠廢寶卷耳。曷為書之。如恆辭。宜廢也。故自是寶卷。皆書齊治陵王。此綱目新例。終綱目一頁而已。秋八月。齊蕭衍克尋

陽。今江西九江府。九月。齊蕭衍引兵東下。齊主寶融詔蕭衍若定京邑。得以便宜從

事。衍留鄭紹叔守尋陽。引兵東下。謂曰。卿吾之蕭何。見卷一。寇恂。見卷二。也比克建康。

紹叔督江湘。治江西九江府。長沙府。糧運。未嘗乏絕。冬十月。齊蕭衍圍建康。十二月。齊

南康遠廢寶卷

鄭紹叔比

蕭何寇恂

人弑涪陵王寶卷。王珍國等斬之。蕭衍入建康。以太后令追廢寶卷為東昏。今直隸大名府東明縣。侯自為大司馬承制。衍入屯闕武堂。下令大赦。凡昏制。謬賦。淫刑。濫役。悉皆除。潘妃有國色。衍欲留之。以問領軍王茂。茂曰。亡齊者此物。留之恐貽外議。乃并茹法珍等誅之。齊太司馬衍執豫州。治江南陽府壽州。刺史馬仙琕。便平。吳興。今浙江湖州府。太守袁昂。既而釋之。衍曰。今天下見二義士。皆厚遇之。

右齊七主合二十四年

梁紀附北魏東西魏北齊北周

高祖武帝。姓蕭。名衍。齊之疏族。仕齊為梁公。進爵為王。遂篡齊。在位四十八年。壽八十六歲。○梁祖母張氏。見舊唐書。吞之。已而生衍。舌文八字。有文在右手。曰武。

壬午。齊中興二年。梁高祖武帝蕭衍大監元年。魏景明三年。○是歲齊亡梁代。春正月。齊大司馬衍迎宣德太后入宮稱制。

二月。衍自為相國。封梁公。加九錫。初。衍與范雲。沈約。任昉。同在竟陵王。見卷三。

西邸。底○舍也。至是。引雲為諮議。約為司馬。昉為記室。參謀議。謝朓。噴。入。何胤。先棄

官居家。衍奏徵為軍諮祭酒。朓胤皆不至。衍內有受禪之志。沈約進曰。齊祚已

終。明公當承其運。雖欲謙光，不可得已。衍曰：吾方思之。約曰：公初建牙，將軍之旂曰牙。樊

沔。勉，二水名。樊在湖廣武昌府武昌縣西。樊山下。沔在湖廣漢陽府城西南。此時應思。今王業已成，何所復思。若天子還都，公

卿在位，則君臣分定，無復異心。豈復有人方更同公作賊。衍然之。召雲等告之。

雲對略同約旨。衍曰：我起兵三年矣，諸將不為無功。然成帝業者，卿二人也。乃

詔進衍位相國，揚州治建業，即江甯府牧，封十郡為梁公，備九錫。見本置百司。**綱**梁公衍

進爵為王。○三月，齊主發江陵。見本以蕭愔淡都督荆湖六州軍事。**綱**夏四月，

梁王衍稱皇帝，廢齊主為巴陵。見本王。齊主至姑孰，下詔禪位於梁。衍奉和帝為巴陵王，宮於姑孰。遷太后。宣德太后于別

宮，封拜其功臣有差。雌**綱**梁主衍弑巴陵王于姑孰。齊御史中丞顏見遠死之。

書法：予節也。終綱曰：書死之五十四。若其禪代之際，能死節者，顏見遠一人而已矣。**綱**梁主欲以南海郡今廣東廣州府為巴陵國，徙王居之。沈

約曰：時為僕射不可。慕虛名而受實禍。梁主頷之。頷，音撼。○點頭以應也。乃使所親鄭伯禽詣姑

孰。今江南太平府以生金進王。王曰：我死不須金。醇醪牢足矣。乃飲沈醉。伯禽就摺。蠟○折也。

殺之。王之鎮荊州。見卷三也。琅琊今山東青州府顏見遠為錄事參軍。及即位，為御史中丞。

既禪位，見遠不食數日而卒。梁主聞之，曰：我自應天從人，何預天下士大夫事。

齊顏見遠死節

梁置謗木
肺石函

而顏見遠乃至於此。梁徵謝朓何點何胤不至。梁置謗木肺石函。梁主

詔公車府見卷一。謗木見卷一。肺石秋官大司寇以肺石達窮民。乃仲冤者擊之。如今之過登。聞鼓也。所以肺形者。便於垂文。肺主聲。擊所以達其冤也。各置一函也。

若肉食謂在位者。莫言欲有橫議。投謗木函。若有功勞才器。冤沈莫達者。投肺石函。

經。秋。八月。梁定正雅樂。○冬。十一月。梁立子統為太子。統生五歲。能徧誦五

經。○癸未。梁天監二年。魏景明四年。春。正月。梁以沈約范雲為左右僕射。夜尚書令王亮廢為庶

人。○夏。五月。梁僕射范雲卒。以左丞徐勉將軍周捨同參國政。捨雅量不及勉。而清簡過之。兩人俱稱賢相。

○六月。梁以謝朓為司徒。朓逃竄年餘。一旦輕舟自出詣闕。以為司徒尚書

令。朓辭脚疾。不堪拜謁。角巾白輿。詣雲龍門謝詔。乘小車就席。明日。梁主幸其

宅。宴語盡歡。朓固陳本志不許。朓素憚煩。不省職事。眾頗失望。○冬。十月。魏以

僕射夜源懷為行臺。巡北邊。魏既遷洛陽。魏舊都平城。今山西大同府大同縣。孝文帝太和。中遷都洛陽。今河南河南府洛陽縣。北邊

荒遠。因也。以饑饉。百姓困弊。乃加僕射源懷行臺。使持節巡行上北邊。賑貧乏。

考殿頤去。最。下功曰殿。上功曰最。事之得失。先決後聞。懷通濟有無。飢民賴之。沃野鎮將于

魏源懷巡
北邊

謝朓輕舟
詣闕

祚。后之世父。與懷通婚。時于勁后之方用事。勢傾朝野。祚頗有受納。懷將入鎮。

祚郊迎道左。懷不與語。即劾奏免官。懷朔鎮將元尼須與懷舊交。貪穢狼藉。籍

置酒。謂懷曰。命之長短。繫卿之口。懷曰。今日源懷與故人飲酒之坐。去非鞠菊

獄之所也。明日公庭。始為使者檢鎮將罪狀之處耳。竟案抵罪。**綱**梁吉玢分請

代父死。梁主赦之。文之仁。若吉玢之孝。梁主之仁。皆不可以不書也。故交書之。國國經榮。見卷二。**國**馮

平翊今陝西同州安府同州。吉玢父為原鄉故城。在浙江湖州府長興縣東南。令為姦吏所誣。逮見卷一。詣廷尉。罪當

死。玢年十五。搗職瓜反登聞鼓。乞代父命。梁主以其幼。疑人教之。使廷尉卿蔡法

度訊之。玢曰。囚雖愚幼。豈不知死之可憚。顧不忍見父極形。故求代之。此非細

故。奈何受人教邪。法度以聞。上乃宥其父罪。丹陽今江甯江甯府。即建康也。尹王志欲於歲首

舉充純孝。玢曰。異哉。王尹何量玢之薄乎。父辱子死。道固當然。若玢當此舉。乃

是因父取名。何辱如之。固拒而止。

綱甲申。梁天監三年。魏正始元年。冬十一月。魏營國學。時魏學業大盛。燕齊趙魏間教授者

不可勝數。升弟子著錄。多者千餘人。州舉茂異。郡貢孝廉。每年逾衆。

吉玢至孝

魏營國學

梁置五經博士

梁初立孔子廟
魏芝生於太極殿
崔光可謂敢言

梁大有年

乙酉。梁天監四年。魏正始二年。春正月。梁置五經博士。立州郡學。梁主雅好儒術。以東晉

宋齊。雖置國學。而無講授之實。乃下詔曰。二漢登賢。莫非經術。服習雅道。名立

行成。魏晉浮蕩。儒教淪歇。風節罔樹。抑此之由。其置五經博士。廣開館宇。招內

納。後進。給事餼。廩。其射策。射之為言投也。射策者。謂為難問疑義。書之於策。列置案上。不使彰顯。有欲射者。隨其所欲得而釋之。以凡優劣。若對策。則顯問以政事經

義。令各對之。而觀其文辭。以定高下。通明者。即除為吏。又選學生往雲門山。在浙江紹興府城南。從何胤受業。命

胤選經明行脩者以聞。分遣博士祭酒巡州郡立學。**夏**。六月。梁初立孔子廟。

書曰初立。深嘉之也。**秋**。八月。魏有芝生於太極殿。書芝

再矣。皆譏也。此其書何。著直臣也。崔光可謂敢言矣。終綱曰書芝生三舍。舍是無書者矣。國書書之。見卷二。**侍**中崔光上表曰。氣蒸成菌。郡生於墟

落溼穢之地。不當生於殿堂高華之處。今忽有之。誠足異也。夫野木生朝。見卷

野鳥入廟。見卷古人皆以為敗亡之象。故太戊高宗。懼災脩德。殷道以昌。今西

南二方。兵革未息。郊甸之內。大旱踰時。民勞物悴。莫此之甚。承天育民者。所宜

矜恤。願陛下側躬聳意。惟新聖道。節夜飲之樂。養方富之年。則魏祚可以永隆。

皇壽等於山嶽矣。時魏主好宴樂。故光并及之。**冬**。十一月。梁大有年。米斛三十錢。書曰漢明帝書大有年。於是再見。皆盛時也。國書漢明